

Vopnafjarðarhreppur  
Þorsteinn Steinsson,  
sveitarstjóri  
Hamrahlíð 15  
690 Vopnafjörður



UMHVERFISSTOFNUN

Reykjavík, 14. júní 2012  
Tilvísun: UST20120400072/ksj

### **Urðunar- og athafnasvæði á Búðaröxl, Vopnafirði. Lýsing á tillögu á breytingu á aðalskipulagi Vopnafjarðarhrepps 2006 – 2026:**

Urðunar- og athafnasvæði á Búðaröxl, Vopnafirði. Lýsing á tillögu á breytingu á aðalskipulagi Vopnafjarðarhrepps 2006 – 2026:

Vísað er til erindis sveitarstjóra Vopnafjarðarhrepps er barst 10. apríl sl. þar sem óskað er umsagnar Umhverfisstofnunar um lýsingu á tillögu á breytingu á aðalskipulagi Vopnafjarðarhrepps 2006 – 2026.

#### **Urðunarsvæði staðsetning**

Í tillögu á breytingu á aðalskipulagi Vopnafjarðar 2006 – 2026 felst að athafnasvæði og urðunarsvæði sveitarfélagsins stækki. Þau svæði eru staðsett ofan og vestan þéttbýlis á Vopnafirði.

Skilgreint athafnasvæði á Búðaröxl mun stækka úr 21,1 ha í 52 ha. Einnig mun urðunarsvæðið stækka og áætlað er að aukið magn sorps komi til urðunar á núverandi urðunarsvæði. Einnig segir í lýsingunni að urðunarsvæðin bæði eldra svæði og framtíðar svæði verði skilgreind í samræmi við breytta legu Norðausturvegar. Á uppdrætti yfir tillögu á breytingu á aðalskipulagi Vopnafjarðarhrepps 2006 – 2026 er fylgir lýsingunni kemur fram að eldra urðunarsvæðið á Búðaröxl er sýnt nær nýjum Norðausturvegi og einnig er framtíðarhluti urðunarsvæðisins nær nýja veginum en á samþykktu aðalskipulagi sem þýðir að urðunarsvæðið er fært nær Skógalóni sem er svæði nr. 603 á náttúruminjaskrá. Umhverfisstofnun telur að umhverfisáhrif urðunarstaðar á Skógalón og Nýpslón verði minni ef urðunarstaður er ekki færður nær nýja veginum og þar með Skógalóni. Að mati Umhverfisstofnunar ætti að halda fjarlægð urðunarstaðar frá Skógalóni óbreyttri.

#### **Mat á umhverfisáhrifum**

Urðunarsvæðið mun taka við úrgangi til urðunar sem er yfir 500 tonnum á ári og fellur þar af leiðandi undir 1. viðauka laga nr. 106/2000 um mat á umhverfisáhrifum, og er framkvæmdin háð mati á umhverfisáhrifum. Alls er áætlað að urðunarstaðurinn muni taka við 500 tonnum af lífrænum úrgangi árlega auk almenns sorps. Skilgreint urðunarsvæði verður alls 10 ha að stærð

með þeirri stækkun er felst í breytingartillögunni.

### Urðunarsvæðið á Búðaröxl og náttúruminjar

Staðsetning urðunarsvæðis á Búðaröxl er þannig að stutt er í svæði á náttúruminjaskrá sem er Nýpslón og Skógalón. Á náttúruminjaskrá eru svæði sem þykir vert að vernda og eru lónin nr. 603 á náttúruminjaskrá og svo segir í skránni: „603. Nýpslón og Skógalón, Vopnafjarðarhreppi , N-Múlasýslu. (1) Fjörur og grunnsævi í Nýpslóni og Skógalóni inn af Nýpsfirði. (2) Grunn, sölt lón. Mikið dýralíf við sérstæð skilyrði, einkum í Skógalóni.

Staðhættir eru þannig að norðan urðunarsvæðis á Búðaröxl liggur nýr Norðausturvegur og síðan er brött grasbrekka niður að Skógalóninu. Ljóst er að hætta er á að vatn frá urðunarsvæðinu muni vegna hallans síga í átt að Skógalóni. Að mati Umhverfisstofnunar þarf að koma fram í tillögu að breyttu aðalskipulagi Vopnafjarðar 2006 – 2026 hvaða ráðstafanir verði gerðar með sigvatn frá urðunarstaðnum ef af framkvæmdinni verður, svo að það fari ekki í Skógalón en sigvatnið mun líklega hafa umhverfisáhrif í för með sér á lífríki lónsins.

### Lyktarmengun

Í lýsingu að tillögu að breyttu aðalskipulagi Vopnafjarðarhrepps 2006 – 2026 kemur fram í markmiðum tillögu: „Að koma í veg fyrir mengun loftis í samræmi við umhverfisviðmið.“ Að mati Umhverfisstofnunar þarf í tillögu að breyttu aðalskipulagi Vopnafjarðarhrepps að koma fram hver fjarlægð er frá urðunarstað að íbúðabyggð. Einnig þarf að koma fram á hvaða hátt og með hvaða aðferðum á að ná því markmiði að koma í veg fyrir mengun loftis bæði hvað varðar lyktarmengun og gróðurhúsalofttegundir.

### Landslag og ásýnd

Í umfjöllun um landslag og ásýnd í kafla um umhverfisþætti og viðmið kemur fram „Annars vegar afmarka klettarnir í Hrauni svæðið til suðurs og hins vegar brött grasbrekka niður í Skógarlón til norðurs.“ Einnig kemur fram að urðunarsvæðið muni nýtast síðar til útplöntunar sem hluti af aðliggjandi útivistarsvæði. Að mati Umhverfisstofnunar þyrfti í tillögu að breyttu aðalskipulagi Vopnafjarðarhrepps 2006 – 2026 einnig að koma fram hvernig ætlunin er að fella athafnasvæði að svo miklum útivistarperlum og náttúruminum eins og Skógalóni og klettunum í Hrauni


### Fok og meindýr


Að mati Umhverfisstofnunar þyrfti að vera umfjöllun um fok frá urðunarstað og mótvægisáðgerðir varðandi meindýr í umhverfisskýrslu með tillögu um breytingu á aðalskipulagi Vopnafjarðarhrepps 2006 – 2026.

### Niðurstaða

Í lýsingu á tillögu að breyttu aðalskipulagi Vopnafjarðarhrepps 2006 – 2026 kemur fram að athafnasvæði og urðunarsvæði á Búðaröxl sem gerð er tillaga um að stækki liggja fremur nærri íbúðarbyggð Vopnafjarðar. Einnig kemur fram að náttúruminjar þ.e. Skógalón/Nýpslón og klettur í Hrauni liggja nálægt þeim svæðum er ætluð eru fyrir athafnasvæði og urðunarsvæði. Að mati Umhverfisstofnunar er mikilvægt að haft verði í huga að athafnasvæði falli eins vel að náttúruminum og kostur er. Einnig er mikilvægt að mati stofnunarinnar að skoðaðar verði fjarlægðir frá urðunarstað að núverandi byggð í Vopnafirði vegna mögulegrar lyktarmengunar.

Virðingarfyllt

  
Aðalbjörg B. Guttormsdóttir  
Deildarstjóri

  
Kristín S. Jónsdóttir  
Sérfræðingur